



14. august 2023

UKA 2023/132

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matumuuna saqqummiuppara:

**Ilulissani imeqarfiup siunissami nunap qeriuannartup aakkiartuaarnerani atuutiinnarsinnaanera qulakteerneqarsinnaanersoq kiisalu amittorsuup tasia imeqarfissatut periarfissatut tulluussinnaanersoq pillugu Naalakkersuisut nalunaarusioqqullugit peqquneqarnissaannik Inatsisartut aalajangiiffisassaattut siunnersuut.**

(Inatsisartuni ilaasortaq Aqqalu C. Jerimiassen, Atassut)

### **Tunngavilersuut**

Nunap qeriuannartup allanngoriartornerata malittaani Ilulissani imeqarfiup inissisimanera aarleriarnartumik inissisimavoq.

Misisuisimanernillu takussutissinneqarmat, qeriuannartup aakkiartuaarnerani naqqaniittooq taratsumik aqoqartoq suli sukkanerusumik aakkiartortoq, taannalu tarajoq imeqarfimmuit annutissappat Ilulissat imeqarnikkut annertuupilussuarmik eqqornerlunneqassaaq, ilami illoqarfiup ingerlaniarneranut annertuupilussuarmik innarliissaqaq.

Illoqarfik toqqaannanngikkaluarmik nunatsinni aningaasarsiornikkut nunatta aningaasivissaarsuapiluunersuatut taaneqarsinnaasoq, aalisarnikkut tunisassiornermi imeq annertuumik tassani isumalluutaavoq, taannalu ajtuussappat tunisassiorneq unitsittariaqalissappat nunatta aningaasaqarneranut toqqaannartumik annertuumik innarliisinnaammatt.

Amittorsuup tasia tassaangaluarpoq piukkunnarnerpaatut inissisimasoq, narsaamanersuup qeqqaniingani qaqqat ikeranniimmat.

Suliaq pimoorullugu aallartinneqarsinnaasariaqartoq neriuarpooq, tassami ulla arlaanni inortuissagaanni taratsumillu imeqarfiusoq aqoqalissappat suliassap akisunipilussuanngoratarsinnaanissaa aarleqqutaasinnaammatt.

Imeqarfiup taratsumik aqoqalersinnaanerattaaq kisiat eqqarsaatiginnngikkaluarlugu, aammattaaq illoqarfiup ineriartorniarneranut annertuumik imeqarfiup killigititai innarleeqqapput, kangimut UNESCOp killeqarfii mattusseqqasut, avannumut kangimut imeqarfiup killeqarfia mattusseqqasooq, illoqafiup iluani sanaartorneq ingerlanniarsarineqarpoq killeqaqisumik, toqqaviillu imaaliinnarlugit pissarsiariuminaasseqqaqat.

Toqqammavilersuutit tamakku tunngavingalugit taamatut Atassummiit siunnersuuteqarpugut.

**Aningaasatigut ingerlatsinikkullu pisortanut kingunerisassai:**



Nalunaarusiassaq annertunavianngimmat naatsorsuutigineqassaaq ukiup ¾-ta ingerlanerani naammassineqarsinnaassasoq, tamannalu 375.000kr-nik allaffissornikkut AC-Fuldmægtigep suliaqarneranut aningaasartuutigineqassaaq.

**Namminersortunut aningaasarsiornikkut allaffissornikkullu kingunerisassai:**

Soqanngilaq.

**Innuttaasunut aningaasarsiornikkut allaffissornikkullu kingunerisassai:**

Soqanngilaq.